


| | | | |
|------------------------|-------------------------------|---|---|
| 30.03.2009. | Oslobođenje | | |
| Strana, naslov: | Str. 21- Inspekcije na potezu | | |
| Autor | S. Huremović | | |
| Rubrika, mjesto | Sarajevska hronika |  | |
| Površina | 18, 5 cm x 19 cm | Ocjena: | 0 |
| Ključna riječ | Općinski sud u Sarajevu | | |

*Ocjena: P – Pozitivna, 0 – Neutralna i N - Negativna

Općinski sud pokrenuo izmještanje benzinske pumpe

Inspekcije na potezu

Nedopustivo je da se u blizini palate pravde u kojoj radi oko hiljadu uposlenika i gdje se odvijaju značajna suđenja nalazi tempirana bomba, ističe Goran Salihović, predsjednik Općinskog suda u Sarajevu

U saradnji s Kantonalnim sudom u Sarajevu i Općinom Centar, Općinski sud u Sarajevu pokrenuo je inicijativu izmještanja benzinske pumpe Energopetrola koja se nalazi u neposrednoj blizini objekta Općinskog suda. Osnovni motiv ove inicijative, prema riječima Gorana Salihovića, predsjednika Općinskog suda Sarajeva, jeste podizanje bezbjednosti stanovnika okolnih zgrada, te uposlenika Suda na veći nivo.

“Počeli smo aktivnosti na uklanjanju benzinske pumpe iz bezbjednosnih razloga. Ona predstavlja atomsku bombu u centru grada za Sud, ali i za sve stanare centra. Pumpa je opasna jer prilikom istakanja cisterni gasovi koji se oslobađaju štete ljudima i okolini, a stvara se i saobraćajna gužva”, kaže za Oslobođenje Salihović.

Općinski sud je sa Općinom Centar i Kantonalnim sudom zatražio da se upute na teren nadležne in-



Rad pumpe nezakonit?

PRIVREMENA DOZVOLA?
Prema neslužbenim informacijama, za pumpu ne postoji urbanistička saglasnost, već se radi o privremenoj dozvoli

spekcije, a prema neslužbenim informacijama, za pumpu ne postoji urbanistička saglasnost, već se radi o privremenoj dozvoli. Ukoliko se ovo pokaže tačnim, rad pumpe je onda nezakonit.

“Tražićemo od inspekcije da se uradi kontrola objekta i opravdanost njenog postojanja. Velike bi bile posljedice po stanovnike ukoliko bi došlo do slučajnog ili namjernog zapaljenja ove benzinske stanice. Nedopusti-



Salihović: Kontrola objekta

vo je da se u blizini palate pravde u kojoj radi oko hiljadu uposlenika i gdje se odvijaju značajna suđenja nalazi tempirana bomba, a da za to niko ne mari”, ističe Salihović.

Do sada, naglašava Salihović, inicijatori ove aktivnosti nisu imali povratne informacije, ali su pozvali sve nadležne službe da se aktivno uključe u ovaj problem i riješe ga što je moguće prije.

S. HUREMOVIĆ